

老子道德經

下

虎曰文之為君，湯二子  
民無能名焉，即是上德  
不德也。  
林云：上德下德，只前章  
大上其次之論，以有有  
心也。

或云：德曰上下仁義禮  
不曰下者，上尚如是，下不  
足道也。

莊子曰：此道

虎曰：此道有本有文，  
志信禮之本也。本者末  
薄，文者信之至也。  
薄也。  
虎曰：前於人而識者，非  
與人俱之則道之華而  
失其實矣。夫其實則道  
為不知道，故愚之始也。  
為不知道，故愚之始也。  
隨人而道之也。

仍音仍

陶望齡曰

道德仁義

總涉名言

名言既除

常治之道

非此老莫

剖

道之失實

前識為之

然謂根塵

不到處猶

淺也。

楊慎曰：語

峭而氣暢

此老得意

老子

下篇

老子學無為也，薄有為也。

盧橘堂

老子道德經 下篇

三十八章

虎曰：此有以為得，則所有失，且有失則不可得之得也。上德則自然，而未以為得，焉故亦無失也。

上德不德，是以有德。下德不德，是以無德。上

德無為而無以為，下德為之而有以為。上仁為

之而無以為，上義為之而有以為。上禮為之而

莫之應，則攘臂而仍之。故失道而後德，失德而

後仁，失仁而後義，失義而後禮。夫禮者，忠信之

薄而亂之管，前識者，道之華而愚之始。是以大

丈夫處其厚，不居其薄；處其實，不居其華。故去



處也

彼敢此

德者得也。常得而無器。利而無害。故以德為  
 名焉。何以得德。由乎道也。何以盡德。以無為  
 用。以無為用。則莫不載也。故物無焉。則無物。  
 不經有焉。則不足以免其生。是以天地雖廣。  
 以無為心。聖王雖大。以虛為主。故日以復而  
 視。則天地之心見。至日而思之。則先王之至  
 睹也。故滅其私。而無其身。則四海莫不瞻。遠  
 近莫不至。殊其己。而有其心。則一體不能自

三復  
 老子曰。其見天地之心  
 曰。先王以是日閉  
 關。而後不行。信不者

全。肌膚不能相容。是以上德之人。唯道是用。  
 不德其德。無執無用。故能有德。而無不為。不  
 求而得。不為而成。故雖有德。而無德名也。下  
 德求而得之。為而成之。則立善以治物。故德  
 名有焉。求而得之。必有失焉。為而成之。必有  
 敗焉。善名生。則有不善應焉。故下德為之。而  
 有以為也。無以為者。無所偏為也。凡不能無  
 為而為之者。皆下德也。仁義禮節是也。將明  
 德之上下。輒舉下德。以對上德。至于無以為

極下德下之。量上仁是也。足及於無以爲。而猶爲之焉。爲之而無以爲。故有爲爲之患矣。本在無爲。母在無名。棄本捨母。而適其子。功雖大焉。必有不濟。名雖美焉。僞亦必生。不能不爲而成。不興而治。則乃爲之。故有弘普博施仁愛之者。而愛之無所偏私。故上仁爲之。而無以爲也。愛不能兼。則有抑抗正真。而義理之者。忿枉祐直。助彼攻此。物事而有以心爲矣。故上義爲之。而有以爲也。直不能篤。則

仍作仍

有游飾脩文禮敬之者。尚好脩敬。校責往來。則不對之閒。忿怒生焉。故上禮爲之。而莫之應。則攘臂而仍之。夫大之極也。其唯道乎。自此已往。豈足尊哉。故雖德盛業大。富而有萬物。猶各得其德。而未能自周也。故天不能爲載。地不能爲覆。人不能爲瞻。萬物雖貴。以無爲用。不能捨無以爲體也。不能捨無以爲體。則失其爲大矣。所謂失道而後德也。以無爲用。德其母。故能己不勞焉。而物無不理。下此

去言絕德之徒言  
作得

已往則失用之母不能無為而貴博施不能  
博施而貴正直不能正直而貴飾敬所謂失  
德而後仁失仁而後義失義而後禮也夫禮  
也所始首於忠信不篤通簡不陽責備於表  
機微爭制夫仁義發於內為之猶偽況務外  
飾而可久乎故夫禮者忠信之薄而亂之管  
也前識者前人而識也即下德之倫也竭其  
聰明以為前識役其智力以營庶事雖德其  
情姦巧彌密雖豐其譽愈器篤實勞而事昏

務而治歲雖竭聖智而民愈害舍己任物則  
無為而泰守夫素樸則不順典制聽彼所獲  
棄此所守識道之華而愚之管故苟得其為  
功之母則萬物作焉而不辭也萬事存焉而  
不勞也用不以形御不以名故仁義可彰也  
敬可彰也夫載之以大道鎮之以無名則物  
無所尚志無所營各任其貞事用其誠則仁  
德厚焉行義正焉禮敬清焉棄其所載舍其  
所生用其成形役其聰明仁則誠焉義其競

老子

下篇

四七

焉。禮其爭焉。故仁德之厚，非用仁之所能也。行義之正，非用義之所成也。禮敬之清，非用禮之所濟也。載之以道，統之以母，故顯之而無所尚，彰之而無所競。用夫無名，故名以篤焉。用夫無形，故形以成焉。守母以存其子，崇本以舉其末，則形名俱有，而邪不生。大義配天，而華不作。故母不可遠，本不可失。仁義母之所生，非可以為母。形器匠之所成，非可以為匠也。捨其母而用其子，棄其本而適其末。

或言昔者謂物之始也。虎曰一者，終始不變之謂也。伊尹所謂一德者也，而謂無為之德也。杜云一者，適也。

陶望齡曰：向云自然，生道又云道貴自然，一者其自，然之謂乎。

老子

下篇

昔之得一者，天得一以清，地得一以寧，神得一以靈，谷得一以盈，萬物得一以生，侯王得一以為天下正。其致一也。昔者聖人將建國，必先定其於一。一者，道之始也。一，數之始也。而物之極也。各是一物之生，所以為主也。物皆各得此一，以成。既成而舍一以居，成居成則失其母，故皆裂發歇竭，成斃也。

三十九章

昔之得一者

虎曰以清以寧以字皆指以一也下同  
言天無得一以清則將恐裂裂下之皆  
同

繫辭曰乾坤數則無以見易

林云裂猶周易言裂也發言初而不足  
也散清減而不重也竭盡也虛則能  
受不虛則盡止而不可受矣愛麗也

虎曰依上六而更三字

以盈萬物得一以生。侯王得一以為天下正。其致之一也。

各以其一。致此清寧靈盈生貞。

天無以清將恐裂。

用一以致清耳。非用清以清也。守一則清不  
失。用清則恐裂也。故為功之母不可舍也。是  
以皆無用其功恐器其本也。

地無以寧將恐發。神無以靈將恐歇。谷無以盈  
將恐竭。萬物無以生。將恐滅。侯王無以正而貴

林本  
無正而二字

沐云車者總名也。隨  
件而致之則為輪為  
轂。為輻為銜為軌。為  
車。矣。車。車。車。車。車。  
武云侯王統邦統天下  
之名也。下有百官。侯  
尹而供其職。君統其  
治。蓋以輪輻不具不  
得為車。喻無百官  
侯尹不得為王侯。以  
縣下為本基也。如負  
其才。智。親。有。司。行。掌  
事。則。所。謂。貴。而。處  
己。可。以。無。為。也。天。下  
國。家。也。不。欲。如。玉。石  
珠。珠。珠。也。

輿作一譽

陶隱齡曰  
玉石者物  
于物非不  
物于物者  
也故云珠  
支尚所欲

可似新語  
又似古賦  
則所謂貴而處  
則所謂貴而處  
則所謂貴而處

高將恐蹙。故貴以賤為本。高以下為基。是以侯

王自謂孤寡不穀。此其以賤為本。耶非乎。故致

數車無車。不欲珠珠如玉。落落如石。

清不能為清。盈不能為盈。皆有其母。以存其

形。故清不足貴。盈不足多。貴在其母。而母無

貴形。貴乃以賤為本。高乃以下為基。故致數

譽。乃無譽也。玉石珠珠落落。體盡於形。故不

欲也。

四十四章

反者道之動。

高以下為基。貴以賤為本。有以無為用。此其反也。動皆知其所無。則物通矣。故曰反者道之動也。

弱者道之用。

柔弱同通。不可窮極。

天下萬物生於有。有生於無。

天下之物皆以有為生。有之所始以無為本。將欲全有。必反於無也。

虎曰。萬名。天地之始。有名。萬物之母。故萬物生於有。而莫有生于無也。

潘基慶曰。此即楞伽經以無故成。有以有故成無。

四十一章

上士聞道勤而行之。

中士聞道若存若亡。

下士聞道大笑之。不笑不足以為道。故建言者有之。

建猶立也。

明道若昧。

光而不輝。

進道若退。

虎曰。信道之篤。則勤行之。子夏曰。執德不持。信道不篤。焉能為有焉。能為無焉。所謂中士之若存若亡也。通者。非凡庸之人。所以為易知也。投下士笑之。若非下士之所以為笑。則固不須立言。謂之所以立言者。以下士之辨。不為知也。

或云中。雷所謂聞。然而日爭也。林云。前事曰。自見者不明。又曰。不自見故明。即是也。

或云。易所謂。不疾而速。不行而至也。



類道對切音天、按文、絲、節也、又  
虎曰、言云、地、非、齊、即、夫、道、若、類  
之、謂、也、

林云、能、虛、而、不、自、寧、也、

或云、守、守、而、不、自、相、也、  
虎曰、名、其、確、守、其、確、守、其、確、守、其、確、故、如  
厚、也、

虎曰、偷、林云、竊、也、或云、偷、偷、盜、今、王、註、也、  
也、皆、於、文、不、明、道、按、偷、苟、且、也、如、表、記、  
安、詳、日、偷、之、偷、孔、子、之、為、政、或、疑、以、為、  
子、何、不、為、政、此、建、德、者、若、苟、且、之、也、  
虎曰、註、以、為、也、疑、王、本、偷、作、偷、

與一本作直  
虎曰、和、无、同、聲、故、若、渝、變、也、  
或云、不、顯、其、與、故、若、渝、變、也、

林云、雖、有、東、西、南、北、就、見、其、方、隅、我、  
或云、有、方、而、不、見、其、方、隅、也、  
虎曰、大、方、大、方、大、也、

虎曰、三、年、學、不、至、成、  
不、分、得、小、智、小、材、全、  
成、也、

後其身而身先外其身而身存

夷道若類

類、垠、也、大、夷、之、道、因、物、之、性、不、執、平、以、割、物、  
其、平、不、見、乃、更、反、若、類、垠、也、

上德若谷

不德其德無所懷也

太白若辱

知其白守其黑太白然後乃得

廣德若不足

廣德不盈廓然無形不可滿也

建德若偷

偷、匹、也、建、德、者、因、物、自、然、不、立、不、施、故、若、偷、

匹

質真若渝

質、真、者、不、矜、其、真、故、渝、

大方無隅

方、而、不、割、故、無、隅、也、

大器勉成

楊慎日干  
宵蔽日巨  
木也求尺

下篇

五七三

虎曰德言之大歸之  
無可歸之者所歸也  
虎曰德也

易曰法象莫大於天

虎曰學記君子曰大德  
不官大道不器大信不  
約大時不齊皆此意也

虎曰人君能體此無為  
之大道則貸之衆庶以  
便各成其材也

寸之材必  
後于椽杙  
故曰大器  
勉成龍吟  
虎嘯毛音  
也尚類舌  
之感者必  
下于蛙黾  
故曰大音  
和聲

大器成天下不持全別故必勉成也

大音希聲

聽之不聞名曰希不可得聞之音也  
有聲則有分有分則不宮而商矣  
分則不能統衆故有聲者非大音也

大象無形

有形則有分有分者不溫則炎不炎則寒故  
象而形者非大象

道隱無名夫唯道善貸且成

凡此諸善皆是道之所成也在象則為大象  
而大象無形在音則為大音而大音希聲物  
以之成而不見其成形故隱而無名也貸之  
非唯供其乏而已一貸之則足以永終其德  
故曰善貸也成之不加機匠之裁無物而不  
濟其形故曰善成

四十二章

道生一一生二二生三三生萬物萬物負陰而  
抱陽冲氣以為和人之所惡唯孤寡不穀而王

林云一木柱也二天地  
也三才也皆自  
無而生道者無物之  
自然之理也三極既  
立而後萬物生焉萬  
物之生皆抱負陰陽  
之氣以冲虛之理行于  
其間所以為和也

老子

下篇

字四

孔子曰自授者必有  
益之自益者必有法  
之

三生萬物  
和氣合而  
生物

公以為稱故物或損之而益或益之而損

萬物萬形其歸一也何由致一由於無也由

無乃一一可謂無已謂之一豈得無言乎有

言有一非二如何有一有二遂生乎二從無

之有數盡乎斯過此以往非道之流故萬物

之生吾知其主雖有萬形冲氣一焉百姓有

心異國殊風而得一者王侯主焉以一為主

一何可舍愈多愈遠損則近之損之至盡乃

得其極既謂之一猶乃至二況本不一而道

可近乎損之而益豈虛言也

人之所教我亦教之

我之非強使人從之也而用夫自然舉其至

理順之必吉違之必凶故人相教違之必自

取其凶也亦如我之教人勿違之也

強梁者不得其死吾將以為教父

強梁則必不得其死人相教為強梁則必如

我之教人不當為強梁也舉其強梁不得其

死以教耶若云順吾教之必吉也故得其違

虎曰損益盈虛之理古聖人所與為教也  
故我亦以之為教也  
取以古人之不教我  
教之也

虎曰強梁者不得其  
死是金人劍之語也  
蓋此夫子以刑古志  
有之也故云我將  
以此語為教之本也

陶望齡曰  
強梁者由  
智騫巧失  
其自然非  
從逞力而  
角者

林云：堅者易折，柔者常存。以至柔而行，於至堅之間，如水之穿石，是也。無間無縫，雖也。無有即無形也。人身受衝之間，可謂無間，而氣脉得行之無障之際，而日月之光亦入之。

第二章曰：是以聖人處無為之事，行不言之教。

嚴君平曰：有為之為，有廢無功，無為之為，成遂無窮。

教之徒，適可以為教父也。

四十三章

天下之至柔，馳騁天下之至堅。

氣無所不入，水無所不出於經。

無有入，無閒吾是以知無為之有益。

虛無柔弱，無所不通。無有不可窮，至柔不可

折。以此推之，故知無為之有益也。

不言之教，無為之益，天下希及之。

四十四章

名與身孰親。

尚名好高，其身必疏。

身與貨孰多。

貪貨無厭，其身必少。

得與亡孰病。

得多利而亡其身，何者？為病也。

甚愛必大費，多藏必厚亡。

甚愛不與物通，多藏不與物散。求之者多，攻

之者衆，為物所故，大費厚亡也。

虎曰：名與貨與身相比，莫親於身。而凡人為貪得名利，必亡其身。愚莫大焉。

陳仲淳曰：人之堂愈高，則去頭愈遠。服愈華，則去身愈外。

或云：言得名利與亡其身孰病，乃與其得名利，寧不亡身，是故受畜之甚，不能思慮，必有大費。虎曰：孟子所謂不仁者，可與言乎？安其危而利其愛，雖其所以亡者，也。孔子曰：甚者忘其其是也。

一作所病故

老子九章全玉滿堂天之能守富貴而能自適其谷之志

林云有成則有缺大成者若缺則其用不敝矣有盈則有虛大盈者若虛則其用不窮矣前章曰道法自然則新即此意也則常若虛然則曲則全也

虎曰高下方圓隨其性而不枉是大直也

知足不辱知止不殆可以長久

四十五章

大成若缺其用不敝

河上曰道法大成之君也如缺者謂名藏譽如毀缺不備

隨物而成不為一象故若缺也

同註謂道德大盈滿之君也如冲者貴不敢驕富不敢奢也

大盈若冲其用不窮

大盈充足隨物而與無所愛矜故若冲也

同註謂道德法度正直如一也如居者不與俗人爭如可居折也

大直若屈

隨物而直直下在一故若屈也

同註謂多才術也如拙者事不敗見其能也

大巧若拙

大巧因自然以成器不造為異端故若拙也

大辯若訥

同註大辯知無疑也如訥者無口辭也

大辯因物而言己無所造故若訥也

躁勝寒靜勝熱清靜為天下正

虎曰正長也

躁罷然後勝寒靜無為以勝熱以此推之則

清靜為天下正也靜則全物之真躁則犯物

之性故惟清靜乃得如上諸大也

四十六章

天下有道卻走馬以糞

林云躁靜只是陰陽皆陰陽之氣滯於一皆能為病惟通之清靜不有不無不物不靜所以為天下之正極曰為天下之式也

唐順之曰繁露苦勝熱甘勝寒隣慕於此

陶望齡曰卻走馬以糞攝情歸

老子

下篇

河上曰糞治田也糞甲不用却走馬以糞

性也戎馬生于郊背覺今塵也謂此老止于談世非知言者

天下有道知足知止無求於外各脩其內而已故卻走馬以治田糞也

天下無道戎馬生于郊

貪欲無厭不脩其內各求於外故戎馬生于郊也

罪莫大於可欲禍莫大於不知足咎莫大於欲得故知足之足常足

四十七章

不出戶知天下不窺牖見天道

新到無罪莫大於可欲一物世本皆

河上曰聖人不出戶以知天下者以己身知人與己家知人

虎曰孔子曰所謂不出環堵之室而知天下者知反己之謂也是矣又曰不出於戶而知天下不下其堂而治四方知反之於己者也

虎曰荀子曰坐室見四海處今而論久遠王註似取于此

一物之理即萬物之理一日之運即一歲之運

事有宗而物有主途雖殊而同歸也慮雖百而其致一也道有大常理有大致執古之道可以御今雖處於今可以知古始故不出戶窺牖而可知也

其出彌遠其知彌少

無在於一而求之於衆也道視之不可見聽之不可聞搏之不可得如其知之不須出戶

若其不知出愈遠愈迷也

是以聖人不行而知不見而名

孔子曰易至極矣  
嗚呼而致于夏商  
夫子河秋也孔子曰  
夫自損者其利也  
自益者其害也  
是以致也子夏曰然  
則學而不可以益  
子曰飛過金之謂也  
通稱益而身稱損  
夫學也損其自多  
以虛受之  
夫曰損益固相依也  
也為益則才滿  
道術日益其難曰  
虛無受於人此其  
謂為道也

陶鑒齡曰  
人益則天  
損故曰損  
夫去益之  
道也惟益  
既損其天  
乃今

得物之致。故雖不行而慮可知也。識物之宗。  
故雖不見而是非之理可得而名也。  
不為而成。

明物之性。因之而已。故雖不為而使之成矣。

四十八章

為學日益。

務欲進其所能。益其所習。

為道日損。

務欲反虛無也。

孔子曰聰明者守之以愚。功被天下守之以讓。當力振世守之以怯。當有四海守之以謙。此所謂損之又損之之道也。

若曰取天下。言取天下之人也。常以無事。則天下歸之。

損之又損。以至於無為。無為而無不為矣。

有為則有所失。故無為乃無所不為也。

故取天下常以無事。

動常因也。

及其有事。

自己造也。

不足以取天下。

失統本也。

四十九章

虎曰從辨極陶德以生  
為善無非取諸人者斯  
以善性心為心也詩云  
民有言詢于芻蕘亦  
無善中心之謂也

虎曰二善之皆善  
百姓之心也下二位  
之不信百姓之心也  
百姓之善之皆善其  
百姓不善之皆善其  
為不善之也信之亦  
常心也  
虎曰德善德信諸註不明拾以善百姓  
為德以信百姓心為德也林本作行善  
信不通也

河上曰注用也百姓皆  
用其耳目為聖人視  
聽也聖人愛念百姓  
如孩育赤子長善之  
而不責望其報也

嚴君平曰  
由此觀之  
無心之心  
心之主也  
不用之用  
用之母也

陶望齡曰  
僕僕者如  
叶之秉心  
塞淵然必  
天下之心  
渾而聖心  
之渾乃全

聖人無常心以百姓心為心  
動常因也

善者吾善之不善者吾亦善之  
各因其用則善不失也

德善

無棄人也

信者吾信之不信者吾亦信之德信聖人在天  
下僕僕為天下渾其心百姓皆注其耳目  
各用聰明

聖人皆孩之

皆使和而無欲如嬰兒也夫天地設位聖人  
成能人謀鬼謀百姓與能者能者與之資者  
取之能大則大資貴則貴物有其宗事有其  
主如此則可冕旒充目而不懼於欺黻纁塞  
耳而無戚於慢又何為勞一身之聰明以察  
百姓之情哉夫以明察物物亦競以其明應  
之以不信察物物亦競以不信應之夫天下  
之心不必同其所應不敢異則莫有用其情



歛作一以

矣。甚矣。害之大也。莫大於用其明矣。夫在智則人與之訟。在力則人與之爭。智不出於人而立乎訟地。則窮矣。力不出於人而立乎爭地。則危矣。未有能使人無用其智力乎己者也。如此則己以一敵入。而人以千萬敵己也。若乃多其法網。煩其刑罰。塞其徑路。攻其幽宅。則萬物失其自然。百姓器其手足。鳥亂於上。魚亂於下。是以聖人之於天下。歛以焉。心無所主也。為天下渾心焉。意無所適。莫也。無

其用作一其以

所察焉。百姓何避。無所求焉。百姓何應。無所無。應則莫不以其情矣。人無為舍其所能而為其所不能。舍其所長而為其所短。如此則言者言其所知。行者行其所能。百姓各皆注其耳目焉。吾皆孩之而已。

其無五十五章

出生入死

出生地入死地

生之徒十有三。死之徒十有三。人之生動之

或云出地上也。入地中也。韓非云。人始於生而卒於死。始之謂出。卒之謂死。虎曰死。生此出入之名也。已人之呼吸動息。皆出入之理。入乃死之謂也。今文訓出入于死。亦非也。

河上曰。生死之類。各有十三。謂九歲四關。其生也。目不妄視。耳不妄聽。鼻不妄嗅。口不妄言。手不妄持。足不妄行。指不妄屈。其死也。反是也。人之生。動作及之。十三。死。靜之。何故。動之。死地也。所以知之。死地也。以其

老子

下篇

十六

求生活之事大學  
通性天之行失紀也  
攝養也

唐順之日  
以其生生  
之厚一語  
扼要

河上曰虎兇兵甲何故不言人也以其  
犯上十三之死地也

地亦才有三。夫何故以其生生之厚。蓋聞善攝  
生者。陸行不遇兇虎。入軍不避甲兵。兇無所投  
其角。虎無所措其爪。兵無所容其刃。夫何故以  
其無死地。

甲有三。猶云十分有三分。取其生道全。生之  
極十分有三。耳。取死之道全。死之極十分亦  
有三。耳。而民生生之厚。受之無生之地焉。善  
攝生者。無以生為生。故無死地也。器之害者  
莫甚乎戈兵。獸之害者莫甚乎兇虎。而令兵

戈無所容其鋒刃。虎兇無所措其爪角。斯誠  
不以欲累其身者也。何死地之有乎。夫蜚蠊  
以淵為淺。而鑿穴其中。鷹鷂以山為卑。而增  
巢其上。矰繳不能及。網罟不能到。可謂處於  
無死地矣。然而卒以甘餌。乃入於無生之地。  
豈非生生之厚乎。故物苟不以求離其本。不  
以欲渝其真。雖入軍而不害。陸行而不可犯  
也。赤子之可則而貴信矣。

五十一章

老子

下篇

虎曰：虛無之道，主萬物，天地之德，畜萬物，風雨霜露之形，形萬物，四時之運，之勢成萬物，人居治國家，亦猶是也。無為之道，主之以自然之德，畜之以飲食財物，形之以機之勢成之。

道生之。德畜之。物形之。勢成之。

物生而後畜。畜而後形。形而後成。何由而生道也。何得而畜德也。何由而形物也。何使而成勢也。唯因也。故能無物而不形。唯勢也。故能無物而不成。凡物之所以生。功之所以成。皆有所由。有所由焉。則莫不由乎道也。故推而極之。亦至道也。隨其所因。故各有稱焉。是以萬物莫不尊道而貴德。道者物之所由也。德者物之所得也。由之乃

陶璜論曰：不尊道貴德，則為天下戮。民然則任智者。

成之地也。夫自然者。生之府也。夫

或曰：初學記。帝皇紀。七十曰。壽之壽。之壽之王。謂注曰。壽。謂以其形。壽。謂成其。所。謂。是以。是。謂。之。今。王。注。之。多。疑。疑。虎曰。壽。作。是。為。是。

得。故曰。不得不失。尊之。則害不得。不貴也。道之尊。德之貴。夫莫之命。而常自然。

命並作爵。

故道生之。德畜之。長之育之。成之熟之。養之覆之。

謂成其實。各得其庇蔭。不傷其體矣。

生而不有。為而不恃。

為而不有。

長而不宰。是謂玄德。

林云即有名萬物之母也  
母造化也子萬物也知  
有造化而後知有萬物  
知有萬物又知有造化  
化蓋言無能生有有出  
於無知有者不可以不  
知也  
庚曰天下之物皆以無為  
始無能生天下之物上  
再三出焉

陶望齡曰  
母者道源  
子者道流  
從源至流  
溯而還之  
此老之玄  
孫一元日  
此章幽眇  
古遂真青  
牛紫氣中  
物

有德而不知其主也出乎幽冥故謂之玄德也

五十二章

天下有始以爲天下母

善始之則善養畜之矣故天下有始則可以

爲天下母矣

既知其母復知其子既知其子復守其母沒身

不殆

母本也子末也得本以知末不舍本以逐末

也

塞其兌閉其門

兌事欲之所由生門事欲之所由從也

終身不勤

無事永逸故終身不勤也

開其兌濟其事終身不救

不開其原而濟其事故雖終身不救

見小曰明守柔曰強

爲治之功不在大見大不明見小乃明守強

兌秋文河上本作  
上亦非作兌  
注事欲之所由生是  
林云兌口也人身則有口人家則有門皆以  
喻萬物所自出之地而金北便於此意  
庚曰林說爲勝說卦云兌口也

河上曰兩羊未動福亂未見爲小昭然獨  
見爲明也  
庚曰守柔所謂南方之德也

河上云目用其光於外視時世之利害也後歸其明者復及其光明於內無復精神外也

林云光者明之用明者光之體也用其光而歸之於明則無殃也

虎曰其明即其所見小也言宜時也

介河上曰大也林云因而不知之意云猶然也虎曰介然如介于石之介堅確介猶介然獨立知猶主知政之知也揚云知大始傳云將知政矣皆猶主也使介然有知行七字句於大道以下一句言設使我聖主確有知行天下之政乃唯於大道與其施設而已不敢為邪徑也以謂時君不能行大道與所畏懼而唯小徑之行也

虎曰孔子曰孰能正不由天何天由也道也身民好徑之謂也

河上曰朝甚誼者臺榭宮室修也因其者農事廢不耕治也五穀停也田無儲也

不強守柔乃強也

用其光

顯道以去民迷

復歸其明

不明察也

無遺身殃是謂習常

道之常也

五十三章

使我介然有知行於大道唯施是畏

言若使我可介然有知行大道於天下唯施為之是畏也

大道甚夷而民好徑

言大道蕩然正平而民猶尚舍之而不由好

從邪徑況復施為以塞大道之中乎故曰大

道甚夷而民好徑

朝甚除

朝宮室也除繁好也

田甚蕪倉甚虛

陶望齡曰

逐道之華

忘其本實

是以好徑也

河上曰好鍾偽者外也帶利劍者尚剛強武且奪也服者多嗜欲無足時也百姓不足而君有餘者是猶劫盜以為服飾特行夸人

虎曰善建者謂建無為之道也善抱者謂抱自然之德也有為而求者其根不固而徒榮枝葉故有拔持之患求得而抱者其持守不堅而徒食多故有脫失之患

朝甚除則田甚蕪倉甚虛設一而眾害生也服文綵帶利劍厭飲食財貨有餘是謂盜夸非道也哉

凡物不以其道得之則皆邪也邪則盜也夸而不以其道得之竊位也故舉非道以明非道則皆盜夸也

五十四章

善建者不拔固其根而後營其末故不拔也

善抱者不脫

不貪於多濟其所能故不脫也

子孫以祭祀不輟

子孫傳此道以祭祀則不輟也

脩之於身其德乃真脩之於家其德乃餘

以身及入也脩之身則真脩之家則有餘脩

之不廢所施轉大

脩之於鄉其德乃長脩之於國其德乃豐脩之

於天下其德乃善故以身觀身以家觀家以鄉

河上曰修道於身愛氣養神益壽延年其德如是乃為真人也修道於家父慈子孝兄弟和睦天信妻貞其德如是乃有餘度及於來世子孫也修道於鄉善教長老安善却少教誨愚鄙其德如是乃無不愛友也修道於國則君信臣忠仁義自生禮樂自興政手無私其德如是乃為聖王也人主修道於天下不言而化不教而治下之德上信如影隨形其德如是乃為善王也

唐順之曰大暢衍陶望齡曰惟此一德寔餘二則非真從真而游乃止豐晉此不拔不脫之妙諦也

老子

下篇

觀鄉以國觀國

彼皆然也

以天下觀天下

以天下百姓心觀天下之道也天下之道逆

順吉凶亦皆如人之道也

吾何以知天下之然哉以此

此上之所云也言吾何以得知天下乎察已

以知之不求於外也所謂不出戶以知天下

者也

河上曰言吾何以知天下修道者思行道者七以此觀而知之也

河上曰赤子不害於物物亦不害之也

楊慎曰喚奇語不爭多

五十五章

含德之厚比於赤子毒蟲不螫猛獸不據攫鳥不搏

赤子無求無欲不犯衆物故毒蟲之物無犯

之人也含德之厚者不犯於物故無物以損

其全也

骨弱筋柔而握固

以柔弱之故故握能周固

未知牝牡之合而峻作

虎曰赤子之握固宜以柔弱之故乎或曰下句例不令

陶璜齡曰握固全作通先後天是性宗旨亦命宗訣

或音同反同或赤子陰也又下和反

老子

下篇

此言言又言尼咽也喉也喉所聲也  
言故玉其聲也又言通以表通也

作長也。無物以損其身。故能全長也。言含德  
之厚者。無物可以損其德。渝其真。柔弱不爭。  
而不摧折。皆若此也。

精之至也。終日號而嗑不噎。

無爭欲之心。故終日出聲而不噎也。

和之至也。知和曰常。

小物以和為常。故知和則得常也。

知常曰明。

不皦不昧。不溫不涼。此常也。無形不可得而

見。曰明也。

益生曰祥。

益生不可益。益之天也。

心使氣曰強。

心安無有。使氣則強。

物壯則老。謂之不道。不道早已。

五十六章

知者不言。

因自然也。

林云。生不可益。強求益之。則為殃矣。祥  
妖也。故益生曰祥。得曰是。何祥也。即此祥  
字之意。在傳十六年。

林云。強者。累也。

三句出。卷三。三十一。

或云。聖人行不言之教。  
知者之所不言也。可以  
言論者。物之衰也。欲以  
言論。言不道也。

王倪曰。至

人神矣。大

澤焚而不

能熱。河漢

逝而不能

老子

下篇



寒疾雷破  
山風振海  
而不能驚

言者不知

造事端也

塞其兌。閉其門。挫其銳。

含守質也

解其紛。

除爭原也

和其光。

無所特顯則物無偏爭也

同其塵。

無所特賤則物無偏恥也

是謂玄同。故不可得而親。亦不可得而疎。

可得而親則可得而疎也

不可得而利。亦不可得而害。

可得而利則可得而害也

不可得而貴。亦不可得而賤。

可得而貴則可得而賤也

故為天下貴。

無物可以加之也

陶鑿論曰  
玄同之妙  
絕親疏去  
利害忘貴  
賤即不二  
門

虎曰正一作政非也奇  
正相對奇正相對各相  
齊桓公正而不諱也  
公靖而不正奇奇諱  
也次章云正復若奇  
此意也

唐順之曰  
漢入治道  
之言勝則  
此英雄多  
多許

五十七章

以正治國以奇用兵以無事取天下

以道治國則國平以正治國則奇正起也以

無事則能取天下也上章云其取天下者常

以無事及其有事又不足以取天下也故以

正治國則不足以取天下而以奇用兵也夫

以道治國崇本以息末以正治國立辭以攻

末本不立而未淺民無所及故必至於奇用

兵也

詩云民之多辟無天殛

虎曰言吾何以正  
則後以奇以無事  
則天下以此知也  
河上曰言治法也令煩則奸生  
多則下詐相攻也利害相害也

三十六年國之利器不可示人  
虎曰利器依前章謂寶器也多寶器  
則權謀傾覆相害而亂

林云技巧工匠之巧也奇物如括牌博棊  
等類是也  
文字作奇巧

虎曰孔子所謂刑滿無罪而盜不勝也

吾何以知其然哉以此天下多忌諱而民彌貧

民多利器國家滋昏

利器凡所以利己之器也民強則國家弱

人多技巧奇物滋起

民多智慧則巧偽生巧偽生則邪事起

法令滋彰盜賊多有

立正欲以息邪而奇兵用多忌諱欲以恥貧

而民彌貧利器欲以強國者也而國愈民多

皆舍本以治末故以致此也

河上曰我脩道承天德  
而政作而民自化也  
我好靜不言不教民自  
忠正也我無使役使多  
之事使民安其業故  
自善也我常無欲去事  
又微服飾民則德我為  
實也  
虎曰孔子所謂苟子之不  
欲也難愛之不羸也

河上其政教寬大  
味似若不明也政教寬  
大故民解三富季相親睦  
也

庚曰等二十章俗人  
察其禍悶悶亦  
察其相親

河上云其政教急疾言決於口聽決於耳也  
政教急疾民不聊生故缺然日以疏薄  
也  
庚曰孔子曰其政教察以民不安

河上云夫禍因福而生人遭禍而能悔過  
責己修善行則禍去而福來也福因  
於福中人得福而為福則禍去而福來也  
禍因於禍中人得禍而為禍則福去而禍來也  
庚曰孔子所謂養生大焉至殺生于禍大也  
與禍福之變是也無正言禍福無以為  
正也不以政正之也  
林云正者定也其無正耶言倚伏無窮不  
可得而定也  
武云其無正者謂無以政正之也以正正  
之其正復為奇乃謂上章以奇用兵  
也以善治之其善復為妖是禍福相倚  
伏也  
庚曰或說得之復字或說以為杖又非  
也復反復也

袁宏道曰  
好靜無事  
無欲總是  
無為無為  
惟一自然

楊慎曰兩  
語寫無懷  
葛天之世  
殆盡悶悶  
字大奇真  
有欲為而  
無可為意

故聖人云我無為而民自化我好靜而民自正  
我無事而民自富我無欲而民自樸

上之所欲民從之速也我之所欲唯無欲而  
民亦無欲而自樸也此四者崇本以息末也

### 五十八章

其政悶悶其民淳淳

言善治政者無形無名無事無正可舉悶悶  
然卒至於大治故曰其政悶悶也其民無所  
爭競寬大淳淳故曰其民淳淳也

其政察察其民缺缺

立刑名明賞罰以檢姦偽故曰察察也殊類  
分析民懷爭競故曰其民缺缺

禍兮福之所倚福兮禍之所伏孰知其極其無

正一有邪字

言誰知善治之極乎唯無可正舉無可形名

悶悶然而天下大化是其極也

正復為奇

以正治國則復復以奇用兵矣故曰正復為

袁宏道曰  
善復為妖  
政察而民  
缺也

或云世人知正可以正不正善可以治國而不知其正善復為奇故其迷固久矣是以聖人方而不割者謂示大方而不割裁所謂大制不割也

虎曰方教以直內義以方外之意示之義方而不割也

或云註舍當作令

奇

善復為妖

立善以和萬物則便復有妖之患也

人之迷其日固久

言人之迷惑失道固久矣不可復正善治以

責

是以聖人方而不割

以方導物舍去其邪不以方割物所謂大方

無隅

或云註舍去其邪即字衍

廉而不剝

廉清廉也剝傷也以清廉清民令去其邪令

去其污不以清廉剝傷於物也

直而不肆

以直導物令去其僻而不以直激沸於物也

所謂直若屈也

光而不耀

以光鑒其所以迷不以光照求其隱匿也所

謂明道若昧也此皆崇本以息末不攻而使

河上白註申也聖人雖直曲己從人不自申也林云不伸不見其直也

或云註詳當作推

虎曰其明被物而不耀也

河上云蓄愛也治國  
者蓄愛民財不為  
泰治身者蓄愛精氣  
不為放逸也  
或云前章所謂愛以  
身為天下者蓄之至  
也  
虎曰人君之道在下治人上事天而治人  
事天之要莫若愛愛人及物也若夫舍  
泰驕傲之君者傷害天民暴殄天物不  
知愛畜之則不能治亦不能事天也

或云早服者謂早歸服於道也  
虎曰唯愛畜人物者不為奢泰驕傲  
是早服道於身也早服道於身則能  
愛民及物是德之所以重積也

林云克能也德愈盛則於事無不可能也  
莫知其極者用之不窮也  
虎曰舜曰使朕從欲以治四方風動是其好生  
之德以愛畜人物則天下事無不能也

虎曰前章云愛食母又  
云為天下母者謂無  
為之德能生萬物也  
故正文似有股又宜曰  
知其極可以為有國之  
母為有國之母可以長  
久

或云即與前章云為天下母同謂道也

復之也

五十九章

治人事天莫若嗇

莫如猶莫過也嗇農夫農人之治田務去其  
殊類歸於齊一也全其自然不急其荒病除  
其所以荒病上承天命下殺百姓莫過於此  
夫唯嗇是謂早服  
早服常也  
早服謂之重積德

唯重積德不欲銳速然後乃能使早服其常  
故曰早服謂之重積德者也

重積德則無不克無不克則莫知其極

道無窮也

莫知其極可以有國

以有窮而流國非能有國也

有國之母可以長久

國之所以安謂之母重積德是唯圖其根然  
後營末乃得其終也

或云即前章善建者不拔善抱者不脫也常說文云爪當也言善是治人事天之本修之可以有國則與樹木深其根而不拔果蔭固其蒂而不脫同乃長生之理之道也

河上云小魚不去腸不去鱗不敢持恐其糜也治國項則下亂或云數更法令則利害變易民心不安乃欲治之而反亂之唯任其自然而待化則不治而治

老子此經管似衍

河上云以道德居位治天下則鬼不敢見其精神以犯人也其鬼非無精神也邪不入正不能傷自然之民也游鬼神不能傷善人以聖人在位不傷善人故鬼不敢干人也

是謂深根固蒂長生久視之道

六十章

治大國若烹小鮮

不擾也躁則多害靜則全真故其國彌大而其主彌靜然後乃能廣得衆心矣

以道蒞天下其鬼不神

治大國則若烹小鮮以道蒞天下則其鬼不神也

非其鬼不神其神不傷人

天神不害自然也物守自然則神無所加神無

所加則不知神之爲神也

非其神不傷人聖人亦不傷人

道治則神不傷人神不傷人則不知神之爲

神道治則聖人亦不傷人聖人不傷人則亦

不知聖人之爲聖也猶云非獨不知神之爲

神亦不知聖人之爲聖也夫恃威網以使物

者治之衰也使不知神聖之爲神聖道之極

天也

虎曰以道蒞天下聖人之不傷人也聖人治天下則無傷善人之政政鬼神亦不傷善人也正文亦字反辭倒意耳

庚曰前章直三日為天下銘谷後章文云江海所以能為百谷王者以其善下之故能為百谷王皆下流之謂也

夫兩不相傷故德交歸焉

神不傷人聖人亦不傷人聖人不傷人神亦不傷人故曰兩不相傷也神聖合道交歸之也

六十一章

大國者下流

江海居大而處下則百川流之大國居大而處下則天下流之故曰大國下流也

天下之交

天下所歸會也

天下之牝

牝常以靜勝牡以靜為下

以其靜故能為下也牝雌也雄躁動貪欲雌

常以靜故能勝雄也以其靜復能為下故物

歸之也

故大國以下小國

大國以下猶云以大國下小國

大國以下猶云以大國下小國

庚曰前章云柔勝剛弱勝強又云天下之至柔馳聘天下之至堅北者柔弱也壯者強也也前章又云重為輕根靜為躁君亦此意也

楊慎曰不過上下靜躁字耳說得如此開博深隱他子書未易有比

虎曰取大國者南有海子

下界作一界

或云小國下大國也所常有也大國下小國希也以大小其效大矣故曰大者宜為下此言言交鄰國之禮謙虛下人則亦可保國家是謙下之德也蓋周禮後史諸侯放縱強暴弱大虛小亦不服而社稷者間有之夫子以為末世大道不行唯謙下亦足以救當時之弊乃亦濟世一術

則取小國

小國則附之

小國以下大國則取大國

大國納之也

故或下以取或下而取

言唯脩身然後乃各得其所

大國不過欲兼畜人小國不過欲入事人夫兩

者各得其所欲大者安為下

小國脩下自全而已不能令天下歸之大國

脩下則天下歸之故曰各得其所欲則大者安為下也

六十二章

道者萬物之奧

奧猶暖也可得庇蔭之辭

善人之寶

寶以為用也

不善人之所保

美保以全也

楊慎曰奧字奇古

河上云奧藏也道為萬物之藏無所不藏也

虎曰善不善皆以質名之也其質善者以道為身寶其質不善者亦由道以保身也

老子

下篇



虎曰下事云信言不美美言不信美言  
唯美且信而行不給者也市市賣也言  
美言者假道以美其言則是可以道自  
信也尊行者由道以尊其行則可以  
道加尚於也美言可以市乃不善之所  
保也尊行可以加人乃善人之寶也  
淮南通志則作美言可以市尊美行可  
以加人

河上云天子置三公者化不善人也  
虎曰前章云聖人奉善教人故無棄人  
三公論道經國以輔佐天子者所以立天  
子置三公者其為善教人以通也

美言可以市尊行可以加人

言道無所不先物無有貴於此也雖有珍寶

璧馬無以匹之美言之則可以奪衆貨之賈

故曰美言可以市也尊行之則千里之外應

之故曰可以加於人也

人之不善何棄之有

不善當保道以免放

故立天子置三公

言以尊行道也

雖有拱壁以先駟馬不如坐進此道

此道上之所云也言故立天子置三公尊其

位重其人所以為道也物無有貴於此者故

雖有拱抱寶璧以先駟馬而進之不如坐而

進此道也

古之所以貴此道者何也不曰求以得有罪以

免耶故為天下貴

以求則得求以免則得免無所而不施故為

貴天下也

陶望齡曰

本自不失

故云得耳

本自離過

故云免耳  
殆求無其  
求者耶  
杜甫曰君  
看燈燭張  
轉使飛蛾

老子

下篇

虎曰以無為為以無事為事以無味為味也味無味者所謂君子之交如水淡以成者也

虎曰下節事之大小  
多寡不可皆言以  
德報怨也此片事無  
事也

虎曰論語或曰以德報怨何如子曰何以報德以直報怨以德報德此孔子之教隨其人人而分其量劑也老子之言於春秋多事之世唯為人君莫無事無為者也

陶壁隱曰

難易大細  
就世諦論  
耳此老主  
意寔開不  
皆大作於細之戒也又  
次章可見

六十三章

為無為事無事味無味  
以無為為居以不言為教以恬淡為味治之  
極也  
大小多少報怨以德

小怨則不足以報大怨則天下之所欲誅順  
天下之所同者德也

圖難於其易為大於其細天下難事必作於易  
天下大事必作於細是以聖人終不為大故能

一法門

虎曰輕諾寡信子路之所以無宿諾也  
右津曰固是誠實不可不顯  
左牙曰馬其誠以固是為良人等  
取慎語也

成其大。夫輕諾寡信多易必多難。是以聖人猶  
難之。

以聖人之才猶尚難於細易況非聖人之才  
而欲忽心於此乎故曰猶難之也

故終無難

六十四章

其安易持其未兆易謀

以其安不忘危持之不忘亡謀之無功之勢  
故曰易也

書曰惟我知惟厥終以不困不惟厥  
終以困也

虎曰申反後上章意

周官曰則治于未亂保邦于未危

易曰安而不忘危危而不亂存而  
不亡

河上曰治身治國安靜者易守持也情  
欲禍害未有形兆時易謀止也

虎曰大學之法禁於未發之謂豫發  
然後禁則扞格而不勝亦此意也

河上曰禍亂未動於朝情欲未見於色如脆弱易破陰也破一作津

其脆易破其微易散

雖失無入有以其微脆之故未足以與大功

其故易也此四者皆說慎終也不可以無之故

而不持不可以微之故而弗散也無而弗持

則生有焉微而不散則生大焉故慮終之患

如始之禍則無敗事

為之於未有

謂其安未兆也

治之於未亂

周官

虎曰從毫末至合抱從累土至九層從反下至千里自然之漸也若以賢智為之者反敗之以務力執之者反失之也

唐順之曰

語鬱而爽

理趣反似

稍短

陶望齡曰

無為萬有

之君靜為

衆動之門

得此鬱發

意味雋永

虎曰帝於踐成而敗之所謂為山九仞功虧一簣也  
文子符言篇老子曰官敗於官及者衰於君子患生憂病病長於且病破壞於始始則無敗事也  
大甲曰慎終于始  
虎曰此族聚之所以作也

謂微脆也

合抱之木生於毫末九層之臺起于累土千里

之行始於足下為者敗之執者失之

當以慎終除微慎微除亂而以施為治之形

名執之反生事原巧辟滋作故敗失也

聖人無為故無敗無執故無失民之從事常於

幾成而敗之

不慎終也

慎終如始則無敗事是以聖人欲不欲不貴難

老子

下篇

三十四

河上云聖人欲人所不欲人欲彰顯聖人欲  
伏先人欲文飾聖人欲質朴人於於色聖  
人欲於德  
虎曰難得之貨人之所欲而聖人不愛過  
物不貴異物賤用物不為無益害有益  
也

河上云人學智詐聖  
人學自然人學治世  
聖人學治身守道真  
也衆人學問反過本  
為未過變為華後自  
便反本也

虎曰前篇云絕學無  
憂蓋後世之學徒求  
賢智尚仁義其所以  
為學昭昭二宗二聖人  
之所以為學也聖人  
愚人泥二宗二聖人之  
所不學也禮云禮至  
云鐘鼓云也或以玉帛  
鐘鼓為學禮樂  
是衆人之所過也故以  
穿傍穿固為教  
者孔子亦復衆人所  
過也

臣前便曰之不可使  
知之

或云明民即多智也愚之前幸使民無知  
無欲是也民之難治以其多智也者前章  
所謂民多利器國家滋昏也是乃多智  
智而有為也  
林云泰之愚者首此語誤之

虎曰以智非謂治國之  
也謂以便民智之術也  
王註云云

孫一元曰  
以智治國  
國之賊故  
治人事天  
莫若嗇也

得之貨。好欲雖微爭尚為之興難得之貨雖細為之

好欲雖微爭尚為之興難得之貨雖細為之

起也。

學不學復衆人之所過。

不學而能者自然也喻於不學者過也故學

不學以復衆人所過。

以輔萬物之自然而不敢為。

合六十五章

古之善為道者非以明民將以愚之。

明謂多見巧詐蔽其樸也愚謂無知守真順

自然也。

民之難治以其智多。

多智巧詐故難治也。

故以智治國國之賊。

智猶治也以智而治國所以謂之賊者故謂

之智也民之難治以其多智也當務塞兌閉

門令無知無欲而以智術動民邪心既動復

以巧術防民之僞民知其術防隨而避之思

虎曰勞心者治人勞力者治於人故不以智術治國民不備勞則智竭力以從上令故國之福也二君賦與福也措措措之措法也

虎曰其人十民也深其及于後也遠也

虎曰物人也人物皆以明智為德而今所謂玄德也者以愚之為德故與人反也反背也

虎曰民多智則奸偽相競大逆於道民無知忠欲則質樸相和乃至於大順

全人銘曰江海在長於百川以其卑也

河上云江海以卑下故眾流歸之若民歸就王者也

虎曰文王有日貴之器周公執吐握之辰為之也

河上云天下樂其推進以為主無有厭之者也

河上云肖者似也林云肖象也謙然似無所肖象或云肖者循曰若賢虎曰肖似也肖者循曰若賢不肖相對則循曰不賢故若賢循曰若賢待之其道無為無欲之道也無為無欲者天下有為之人乃以為不肖也無以賢者有為者不能含空物故其細也也夫

虎曰久矣其細也夫不見國公此文例也

惟密巧好偽益滋故日以智治國國之賊也

不以智治國國之福知此兩者亦楷式常知楷

式是謂玄德玄德淡矣遠矣

楷同也今古之所同則而不廢能知楷式是

謂玄德玄德淡矣遠矣

與物反矣

反其真也

乃至於大順

### 六十六章

江海所以能為百谷王者以其善下之故能為

百谷王是以聖人欲上民必以言下之欲先民

必以身後之是以聖人處上而民不重處前而

民不害是以天下樂推而不厭以其不爭故天

下莫能與之爭

### 六十七章

天下皆為我道大似不肖夫唯大故似不肖若

肖久矣其細也夫

久矣其細猶曰其細久矣肖則失其所以為

故夫恐倒

譚峭曰守一之道莫過乎儉

河上云以慈仁故能守於忠孝也  
或云即仁者必有勇也  
虎曰器新以容物不致為天下先則天下皆容於我故以器為



虎又曰新器云橫取則為器聖人用之則為官長今所謂器乃橫取為器之器也言人主能成而官有司之長也

大矣故夫曰若肖久矣其細也  
我有三寶持而寶之一曰慈二曰儉三曰不敢  
為天下先慈故能勇  
夫慈以陳則勝以守則固故能勇也  
儉故能廣  
節儉愛費天下不匱故能廣也  
不敢為天下先故能成器長  
唯後外其身為物所歸然後乃能立成器為  
天下利為物之長也

今舍慈且勇

且猶取也

舍儉且廣舍後且先死矣夫慈以戰則勝

相愆而不避於難故正也

以守則固天將救之以慈衛之

六十八章

善為士者不武

士卒之帥也武尚先陵人也

善戰者不怒

虎曰古本作是謂入死門五字  
河上云所行如此勳入死門也夫慈仁者百姓親附并心一意故以戰則勝故以守則固也天將救助善人必與慈仁之性使能自善也  
或云註正當作勝  
善為士者不武  
善戰者不怒

袁中郎記  
日夏瀑如  
怒又日荆

老子

下篇

卿灌夫之飲怒萬語往往似化此寸莖艸

河上云善用人自輔佐者常為人執謀下也虎曰孔子曰以貴下賤無不得也昔者周公居冢宰之尊則天下之政而猶下白屋之士日見百七十人新堂以無道也欲得士之用也是矣

虎曰用人之及諸註皆以為用人力今按德與力並謂我德我力也言善戰善勝敵者足善用人則是不與人爭之徒用人力之力也

或云配天即下章所謂天之道不爭而善勝也  
有言下古本有言字今河上持字並無曰河上云陳用兵之道老子疾時用兵故託已語其義也主先也不敢先舉兵也客者和不而退尺謂易退也

河上云若無臂可據也無敵可揚也若無兵及可持用也  
前章曰攘臂而揚之揚引也此也

虎曰不爭曰執非敵或輕之也

後而不先應而不唱故不在怒

善勝敵者不與

不與爭也

善用人者為之下是謂不爭之德是謂用人之力

力

用人而不為之下則力不為用也

是謂配天古之極

### 六十九章

用兵有言吾不敢為主而為客不敢進寸而退

尺是謂行無行

彼遂不止

攘無臂扔無敵

行謂行陳也言以謙退哀慈不敢為物先用

戰猶行無行攘無臂執無兵扔無敵也言無

有與之抗也

執無兵禍莫大於輕敵輕敵幾器吾寶

言吾哀慈謙退非欲以取強無敵於天下也

不得已而卒至於無敵斯乃吾之所以為大

釋典曰若起精進心是安非精進若能心不妄精進無有涯如是則實存果非輕敵者

輕敵古本作無敵

或曰士年感其哀而死者勝三字

楊慎曰哀者勝三字爭奇注相惜字旨趣尤長

禍也寶三寶也故曰幾亡吾寶故抗兵相加哀者勝矣

抗舉也加當也哀者必相惜而不趣利避害故必勝

七十章

吾言甚易知甚易行天下莫能知莫能行

可不出戶窺牖而知故曰甚易知也無為而成故曰甚易行也惑於躁欲故曰莫之能知也迷於榮利故曰莫之能行也

或云莊子云帝王之德以天地為宗以道德為主言有宗宗天地不言而化育即不言之教也事有君主道德無為而無不為即無為之德也唯無知此道者是以不知我而用也

陸墜巖曰知希通聖

言有宗事有君

宗萬物之宗也君萬物之主也

夫唯無知是以不知我知

以其言有宗事有君之故故有知之人不得

不知之也

知我者希則我者貴

唯淡故知之者希也知我益希我亦無匹故

曰知我者希則我者貴也

是以聖人被褐懷玉

或曰莊子曰故無知之人不待而知之也

陸墜巖曰知希通聖

楊慎曰被褐懷玉似六朝吏飽

下篇

八



河上云知通言不知是乃德之上也。不知道言知是乃德之病也。夫唯能病若菜人有種知之病是以不自病也。  
虎曰孔子曰蓋有不知而作之者我無之也凡人之病多不知以為知也。聖人唯病以不知為知之病是以不自病也。故曰不自病也。

箋記中語  
唐順之曰  
以句多古  
藻升菴謾  
發此意  
陶望嵐曰  
飽食高眠  
何所事日  
從東出又  
沈西

被褐者同其塵。懷玉者寶其真也。聖人之所以難知以其同塵而不殊。懷玉而不渝。故難知而為貴也。

### 七十一章

知不知上。不知知病。

不知知之不足任則病也。

夫唯病病是以不病。聖人不病以其病病是以不病。

### 七十二章

民不畏威大威至矣。無狹其所居無厭其所生。

清淨無為謂之始。謙後不盈謂之生。離其清

靜行其躁欲棄其謙後任其威權則物擾而

民僻威不能復制。民不能堪其威則上下

大潰矣。天誅將至故曰民不畏威則大畏至。

無狹其所居無厭其所生言威力不可任也。

夫唯不厭

不自厭也。

是以不厭。

居作當始

虎曰微子篇曰乃因喪禮又則官曰形喪入後孔子曰君子有三愛一曰自天子至庶人各其所居之位各其所生之分。富貴賤賢智所受於天也。而後其所居其所生是受於天威也。不安天威則死於殃禍之大威至矣。

或云自知不自見言自  
知之明而無營求于外所  
以德味而不見也自愛  
不自貴言愛其貴其身  
而不欲先人能下之所以  
不自貴也去彼取此言  
除去彼狎厭之惡取守  
此自知自愛之善也  
虎曰自愛愛以身為天下之愛也

陶望齡曰  
喻如明鏡  
能照萬形  
而不自照

不自厭是以天下莫之厭

是以聖人自知不自見

虎曰自知其所生之命也

夫不自見其所知以耀光行威也

自愛不自貴

自貴則物狎厭居生

故去彼取此

七十三章

勇於敢則殺

勇必不得其死也

林云勇於敢為者必至於自戕其身  
而懼是勇於不敢也

虎曰孔子所謂往金車死而不厭北方之  
強是勇於敢也定未以敢不報無道  
南方之強是勇於不敢也

林云天通惡盈而好  
謙則善於敢者非特人  
惡之天亦惡之也

或云註下恐衍

陶望齡曰

以不爭為  
勇豈唯天

道大地下  
人而人莫

之喻亦善  
勝也

楊慎曰此  
意數發之

然觸目愈

老子

勇於不敢則活

必齊命也

此兩者或利或害

俱勇而所施者異利害不同故曰或利或害也

天之所惡孰知其故是以聖人猶難之

孰誰也言誰能知天下之所惡意故邪其唯

聖人夫聖人之明猶難於勇敢況無聖人之

明而欲行之也故曰猶難之也

天之道不爭而善勝

下篇

雖新不知其  
當香  
惟作

言曰天有網通其類惟彰又曰惟吉心不  
遠在人惟天降命在德  
或云不言而善應所謂四時行焉百物生  
焉是也不召而自來所謂日月運行一  
寒一暑是也

河上云釋寬也天道雖寬博善謀修  
德人事故修善行惡各蒙其報者也

河上云天所羅網恢恢甚大雖疎遠司  
察人善惡無有所失也  
虎曰天道固無親疎疎而不失以人心言  
之人之所以為政亦天網不失之也

天雖不爭故天下莫能與之爭

不言而善應

順則吉逆則凶不言而善應也

不召而自來

天處下則物自歸

禪然而善謀

音禪禪字作坦垂象而見吉凶先事而設誠安而不凶危未

召而謀之故曰禪然而善謀也

天網恢恢疎而不失

### 七十四章

河上云人君不寬其刑罰教人去情欲奈何設刑罰法以死懼之也當除己之前殘劫  
教民去利欲也  
或云詩云鮮民之生不如死之久矣不喪死之謂也

民不喪死奈何以死懼之若使民常畏死而為

奇者吾得執而殺之孰敢

詭異亂羣謂之奇也

常有司殺者殺夫代司殺者殺是謂代大匠斲

夫代大匠斲者希有不傷其手矣

推五為逆順者之所惡怨也不仁者人之所疾也

故曰常有司殺也

### 七十五章

度曰言民若不喪死  
則奈何以死懼之民  
喪死後或刑罰以喪  
之而不使之為奇者  
也而哀世之民生  
今欲得報不殺喪死  
失德政之由也孔子  
亦見其故上先絕德  
而印氏不從化以為  
之則民皆知誦執教  
為奇也  
河上云司殺者天是  
臨下司察人過天網  
恢疎而不失有常  
道至明司殺有常  
虎曰代司殺者不順  
天以人意私殺者也

或云注源古例

語句曼悠  
便是子長  
手出  
陶鑿斷日  
觀此則生  
道為殺殺  
反成生奈  
何世有專  
殺者

此言治國之道也。夫治國之道，在於民之貧富。民貧則難治，民富則易治。故君子必先富之，然後教之。此言治國之道也。

孔子曰：上教之不行，澤不在民也。

陶望齡曰：食稅之薄，民返其樸。相游于無生氏之國。

嚴君平曰：天地之理，小不載大，輕不載重。故強人不為，生強木不得處。

民之饑以其上食稅之多，是以饑。民之難治以其上之有為，是以難治。民之輕死以其求生之厚，是以輕死。夫唯無以生為者，是賢於貴生。言民之所以僻，治之所以亂，皆由上不由其下也。民從上也。

七十六章

人之生也柔弱，其死也堅強。萬物艸木之生也柔脆，其死也枯槁。故堅強者死之徒，柔弱者生之徒。是以兵強則不勝。

河上云：枝葉共生其上也。林云：至於根則枯矣。或云：見伐而保器用也。庚曰：共字王註，如字言物所共加也。亦似下格。然未得明解，或共工之共欤。

河上云：天通抑強扶弱，自然之效也。庚曰：前篇所謂聖為樞，轉為謀也。

或云：張弓者，抑之而高，張之下，損有餘，補不足，使弓力均也。弓力均而後可以求中。

上 陶望齡曰：堅強柔弱，皆借用意。若以此求伯陽，便被此老熱瞞。

強兵以暴於天下者，物之所惡也。故必不得勝。

木強則共。

物所加也。

強大處下。

木之本也。

柔弱處上。

枝條是也。

七十七章

天之道，其猶張弓乎？高者抑之，下者舉之，有餘

薛蕙曰：古之人役其賢智以養

河上云夫抑高舉下損強益弱天地之道也天道損有餘而益謙帶以中和為上也人道則與天道反也世俗之人損貧以奉富奪弱以益強也誰能居有餘位自若者誰能以奉天下不足者誰能有道之志能行之

虎曰孔子曰田獵置罟弋非以盡言室也微斂百姓非以盈府庫也慘恤以神不足禮節以損有餘乃所謂有道者也

河上云水能壞山壞陵摩鐵消銅莫能勝水而成功也夫攻堅強者無以易於水也水能滅火陸能消陽古柔商剛適先亡也

四十三章曰天下之至柔馳騁天下之至剛也

宣十五年平陸曰高下之行也

人後之賢智者役愚不肖以養已

陶隱居曰道個損有餘補不足便見清靜自然非一味稱滅者

者損之不足者補之天之道損有餘而補不足

與天地合德乃能包之如天之道如人之量則各有其身不得相均如惟無身無私乎自然然後乃能與天地合德

損不足以奉有餘孰能有餘以奉天下唯有道者是以聖人為而不恃功成而不處其不欲見賢邪言唯能處盈而全虛損有以補無和光同塵

蕩而均者唯其道也是以聖人不欲以其賢以均天下

七十八章

天下柔弱莫過於水而攻堅強者莫之能勝以其無以易之也

以用也其謂水也言用水之柔弱無物可以易之也

弱之勝強柔之勝剛天下莫不知莫能行是以聖人云受國之垢是謂社稷主受國之不祥是

虎曰彈之勝弱則之勝柔此言之序也然於道不正也今弱之勝強柔之勝剛君王受垢受不祥是言之及也然於道得正也

林云思怨而忘方知至道人有怨於我而必欲與之和雖無執怨之心猶知怨之為怨則此心亦未化矣雖曰能與之和此心未化則餘怨尚在安得謂之善道

虎曰則幸去報怨以德故王註云德以和之其傷不復

陶望齡曰  
儒者躬自厚之說其去左契右後其猶龍乎尼山氏豈欺我哉

謂天下王正言若反

七十九章

和大怨必有餘怨

不明理其契以致大怨已至而德以和之其

傷不復故必有餘怨也

安可以為善是以聖人執左契

左契防怨之所由生也

而不責於人有德司契

有德之人念思其契不令怨生而後責於人

也

無德司徹

徹司人之過也

天道無親常與善人

八十章

小國寡民

國既小民又寡尚可使反舌況國大民衆乎

故舉小國而言也

使有什伯人之器而不用

虎曰人衆則器亦衆人寡則器亦寡故國小民寡則雖有什伯人之器無不有所用也  
詩云什伯謂千也正如詩云千鈞稱

河上云有德司契契信而已也無德司背其契信而司人所失也  
或云徹如徹彼乘上之徹

林云徹明也  
虎曰徹通也欲通徹於細微也

虎曰春秋之時諸侯皆欲使國大使民衆以及見刑刑政老子謂之小國寡民言使國小使民寡此則事知足之足常足也

言使人雖有什伯之器而無所用何患不足也

使民重死而不遠徙

使民不用惟身是寶不貪貨賂故各安其居重死而不遠徙也

雖有舟輿無所乘之雖有甲兵無所陳之使民

復結繩而用之甘其食美其服安其居樂其俗

鄰國相望雞犬之聲相聞民至老死不相往來

無所欲求

河上云去文及質信而無

王符曰治國之日舒以長故其民間暇而力有餘

或云此章言以無為化民使民愚而無知無欲安其鄉俗足其衣食無求於外則上古稱聖民神農氏之世可復也蓋老子慨周禮後遠人口仁義身證樂而無其宜民亦不服其政上下交趨利而不可濟乃欲以不治治之

八十一章

信言不美

實在質也

美言不信

本在樸也

善者不辯辯者不善知者不博

極在一也

博者不知聖人不積

無私自有唯善是與任物而已

虎曰巧佞辨給聖王之所忌而孔子亦厚惡之經傳不可勝徵焉孔子之去周老子送之曰凡當今之士聰明深察而近於死者好辯議人者也博辯固達而危其身好發人之惡者也又曰說者流於辯聽者亂於辯此一節之所成終也

虛曰善不美以事之也

虛曰私疑聖人不積下或積者不聖不積字林云聖人之道虛一而已何所積乎

虎曰出于汝者及于汝者  
也故德及財施與以為  
人則已愈多有之謂為  
所謂終不自為大而能  
成其大也

陶望齡曰  
愈有愈多  
之說似非  
無為純理  
曷不曰易  
知有親易  
從有功乎  
覺易義差  
勝

河上云聖人法天所施為化成事就不與下  
爭功名故能全其聖功也

既以為人己愈有

物所尊也

既以與人己愈多

物所歸也

天之道利而不害

動常生成之也

聖人之道為而不爭

順天之利不相傷也



下篇止

*Faint vertical text, likely bleed-through or marginal notes.*



2080

王江先生  
堀田手  
二升

松雲堂野田老叔曰此書朱墨勘記大率真蹟也  
去今六十年四隣有大率子孫集採者權者當時  
尚有大率手稿多焉可惜大正二歲歸余尚有  
此書紙料與當時所存合符節歷歷在眼底  
一九五一年九月十九日 波多野大守識

110X  
143  
2